



協修

臣 陳嗣龍
臣 戴均元
恭校

續通志

列傳七

宋

李瓊 郭瓊 陳承昭 李萬超 白重贊

王仁鎬 陳思讓 孫若拙 焦繼勳 袁彥

李穀 谷居潤

李瓊字子玉幽州人幼好學涉獵史傳挾策詣太原會唐莊宗募勇士即應募與周祖等十人約為兄弟一日會飲瓊熟視周祖知非常人因舉酒祝曰凡我十人龍

蛇混合。異日富貴無相忘。皆刺臂出血為誓。周祖與瓊情好尤密。嘗見其危坐讀書。因問讀何書。瓊曰。此閩外春秋。所謂以正守國。以奇用兵。較存亡治亂。記賢愚成敗。皆在此也。周祖曰。凡當教我。自是周祖出入常袖以自隨。每問難瓊。謂瓊為師。及討河中。乃解瓊兵籍。令參西征軍事。賊平。表於朝。授朝散大夫。大理司直。遷太子洗馬。周祖鎮鄴。表為大名少尹。廣順初。拜將作監。充內作坊使。連知亳陝二州。改濟州刺史。世宗初。遷洺州團練使。改安州防禦使。治郡寬簡。太祖即位。召為太子賓

客。建隆三年。請老。改右驍衛上將軍致仕。卒。贈太子少師。

郭瓊。平州盧龍人。少以勇力聞。事契丹。為蕃漢都指揮使。後唐天成中。挈其族來歸。明宗以為亳州團練使。改刺商州。遷原州。清泰初。移階州。城壘未葺。蜀人屢寇。瓊徙城保險。民乃無患。受詔攻文州。拔二十餘砦。晉天福中。羌渾騷動。朔方節度使張希崇表瓊為部署。將兵共討平之。開運初。為北面騎軍排陣使。陽城之役。戰功居多。改沂州刺史。充荊口砦主。兼東面行營都虞候。擒

莫州刺史趙思以獻。改刺懷州。俄為北面先鋒都監。契丹主滅晉。命瓊復刺沂州。以禦盜。瓊即日單騎赴郡。盜聞瓊威名。相率遁去。漢乾祐中。淮人攻密州。以為行營都部署。未至。淮人解去。會平盧節度使劉錡稱疾不朝。大臣懼其難制。先遣瓊與衛州刺史郭超。以所部兵屯青州。錡不自安。置酒召瓊。伏壯士幕下。欲害瓊。瓊知其謀。屏去從者。從容就席。略無懼色。錡不敢發。瓊因為陳禍福。錡感其言。遂治裝。俄詔至。即日上道。瓊改潁州團練使。又加防禦使。周祖祀南郊。召權知宗正卿事。世宗

征劉崇。為北面行營都監。歷絳。蔡。齊。三州防禦使。在齊州。民饑。瓊以已俸賑之。太祖建隆三年。告老。加右領軍衛上將軍致仕。乾德二年。卒。瓊雖起卒伍。而所至有惠政。禮士樂善。蓋武臣之賢者也。

陳承昭。江表人。始事李景。為保義軍節度使。周世宗征淮南。景以承昭為濠。泗。楚。海。水陸都應援使。世宗既拔泗州。引兵東下。太祖禽承昭。以獻。世宗釋之。授右監門衛上將軍。改右領軍衛上將軍。分司西京。太祖即位。命督治惠民。五丈。二河。以通漕運。建隆二年。河成。歷左右

神武統軍。四年春。修畿內河堤。命承昭董其役。又令督諸軍子弟鑿池於朱明門外。以習水戰。從征太原。承昭請壅汾水灌城。城危甚。會班師。功不克就。乾德五年。遷右龍武軍統軍。開寶二年卒。贈太子太師。

李萬超。并州太原人。幼孤貧。負販以養母。晉祖起并門。萬超應募。隸軍籍。戰累捷。稍遷軍校。從李守貞討楊光遠於青州。奮勇先登。開運中。從杜重威拒契丹於陽城。流矢貫手。萬超拔矢復戰。神色自若。以功遷肅銳指揮。使契丹入中原。時萬超以本部屯潞州。主帥張從恩將

按王守恩官職通鑑所載與此微異謹加案聲明

按王守恩權巡檢使見通鑑與傳所載互異謹加案聲明

棄城歸契丹。會前驍衛將軍

案通鑑作左驍衛大將軍

王守恩服喪

私第。從恩即委以後事。遁去。

案通鑑載趙行遷知留後守恩權巡檢使與傳所載

委以後事句互異謹識

及契丹使至。專領郡務。守恩遂無所預。萬

超奮然謂其部下曰。我輩垂餌虎口。苟延旦夕之命。今欲殺使保城。非止逃生。亦足建勲業。汝曹能乎。衆皆喜。曰。唯命。遂率所部入府署。殺其使。推守恩為帥。列狀以聞。漢祖從其請。仍命史弘肇統兵先渡河。至潞。見萬超。語之曰。得復此州。公之力也。吾欲殺守恩。以公為帥。可乎。萬超曰。殺契丹使。以推守恩。蓋為社稷計爾。今若賊

害於人自取其利。非宿心也。弘肇大奇之。表為先鋒馬步軍都指揮使。路經澤州。刺史翟令奇堅壁拒命。萬超馳至城下。諭之。令奇乃開門迎納。弘肇即留萬超權州事。漢祖遂以為刺史。及征李守貞。以萬超為行營壕砦使。河中平。拜懷州刺史。周祖開國。以功授洺州團練使。連移蘄登二州。所至有善政。太祖即位。入為右武衛大將軍。遷左驍衛大將軍。開寶八年卒。

白重贊。憲州樓煩人。其先沙陀部族。重贊少從軍。有武勇。漢初為護聖都指揮使。乾祐中。以功領端州刺史。周

廣順中。授義成軍節度使。在鎮日。河屢決。重贊親部丁壯塞大程六合二堤。世宗征劉崇。以重贊為河東道行營馬軍都指揮使。重贊與李重進居陣西偏。樊愛能。何徽。居陣東偏。既合戰。愛能與徽皆遁走。惟重贊與重進率所部力戰。世宗自督親軍。合勢薄之。并人大敗。以功授保大軍節度使。遷鎮彰義軍。太祖即位。加檢校太師。改鎮涇州。有馬步軍教練使李玉。與重贊有隙。遂與部下閻承恕。謀害重贊。密遣人市馬纓。偽造制書。云重贊構逆。令夷其族。乃自持偽制。并馬纓。以告都校陳延正。曰。

使者致而去矣。延正具白重贊。重贊封其書以聞。太祖大駭。命六宅使陳思誨馳赴涇州。禽玉及承恕。鞠問伏罪。延正擢領刺史以賞之。仍詔諸州。凡被制書有關機密。則詳驗印文筆迹。俄改泰寧軍節度使。乾德四年。又為定國軍節度使。開寶二年。改左千牛衛上將軍。奉朝請。三年卒。

王仁鎬。邢州龍岡人。初事後唐明宗。清泰中。至右領軍衛將軍。晉天福中。青州楊光遠將圖不軌。以仁鎬為節度副使。伺其動靜。歷二年。被譖。改護國軍行軍司馬。仁

鎬至河中數月。光遠反。漢乾祐中。歷昭義天雄二軍節度副使。周祖鎮鄴。表仁鎬為副留守。及起兵。仁鎬預其謀。周祖即位。累遷右衛大將軍。充宣徽北院使。兼樞密副使。顯德初。出為永興軍節度使。世宗嗣位。移河中。會殿中丞上官瓚使河中。還言河中民多匿田租。遂遣瓚按視。均定。百姓苦之。多逃亡。仁鎬抗論其事。廼止。五年。拜安國軍節度使。郡有羣盜。仁鎬遣使遺以束帛。諭之。悉遁去。不復為盜。恭帝嗣位。移山南東道節度使。太祖即位。加檢校太師。建隆二年卒。仁鎬性端謹儉約。崇信

釋氏每晨誦佛經五卷。或至日旰。方出視事。從事劉謙責仁鎬曰。公貴為藩侯。不能勤恤百姓。孜孜事佛。何也。仁鎬歛容遜謝。無愠色。當時稱其長者。

陳思議。字後已。幽州盧龍人。初事後唐莊宗。補右班殿直。晉天福中。遷作坊使。安從進叛。以思議為先鋒。右廂都監。從武德使焦繼勳領兵進討。大破之。從進平。授坊州刺史。改磁州。尋改衛州。連丁內外艱。時武臣罕有執喪禮者。思議不俟詔。去郡奔喪。漢初。移刺淄州。周祖即位。劉崇自立於太原。案劉崇為後漢高祖母弟。周祖篡漢。崇義不為周屈。故五代史於廣

按劉崇僭號太原。今依五代史。改書自立。謹加案聲明。

順元年。書劉崇自立於太原。而十國譜論。又與其不屈於周。宋史稱僭號。蓋沿周宋時舊文。謹據歐史改正。

周祖遣思議率兵詣磁州。控扼澤潞。旋授磁州團練使。廣順元年。劉崇遣大將李瓌。案通鑑作李存瓌。軍於鷄子店。思

讓與都監向訓。張仁謙等率軍至虎亭西。與瓌軍遇。獲崇偏將王璠。曹海金。俄遣王峻援晉州。以思議與康延昭分為左右廂排陣使。令率軍自烏嶺路至絳州。與大軍合。崇燒營遁去。思議又與藥元福襲之。俄命權知絳州。明年。遷絳州防禦使。顯德元年。改亳州。累遷安國軍節度觀察留後。充北面行營馬步軍排陣使。五年。敗并

軍千餘於西山下。改義成軍節度觀察留後。六年。世宗將北征。命先赴冀州以俟命。及得瓦橋關為雄州。命思讓為都部署。率兵戍守。世宗不豫。還京。留思讓為關南兵馬都部署。恭帝嗣位。授廣海軍節度使。太祖即位。加檢校太傅。乾德二年。又為保信軍節度使。時皇子興元尹德昭納思讓女為夫人。開寶二年。改護國軍節度。河中尹七年卒。贈侍中。思讓累歷方鎮。無敗政。性酷信釋氏。所至多禁屠宰。人目為陳佛子。身沒之後。家無餘財。子欽祚。欽祚子若拙。

若拙字敏之。太平興國五年。進士甲科。解褐將作監丞。通判鄂州。改太子右贊善大夫。知單州。以能政。就改太常丞。遷監察御史。充鹽鐵判官。益州繫囚甚衆。太宗召若拙面諭。委以疏決。遷殿中侍御史。通判益州。淳化三年。就命為西川轉運副使。未幾。改正使。召歸。累遷工部郎中。與三司使陳恕不協。求徙他局。改主判開拆司。車駕北巡。命李沆留守東京。以若拙為判官。河決鄆州。朝議徙城以避水患。命若拙與閻承翰往規度。尋命權京東轉運使。因發卒塞王陵口。又於齊州浚導水勢。設巨

隄於采金山。秦免六州所科梢木五百萬。民甚便之。河平。真授轉運使。召還。拜刑部郎中。知潭州。時三司使缺。若拙自謂得之。及是。大失望。因請對。言父母年老。不願遠適。求納制命。帝怒其貪。進擇祿。追所授告敕。黜知處州。徙温州。代還。復授刑部郎中。再為鹽鐵判官。改兵部郎中。河東轉運使。擢拜右諫議大夫。徙知永興軍府。時鄰郡歲饑。前政拒其市糴。若拙至。則許貿易。民賴以濟。又移知鳳翔府。入拜給事中。知澶州。蝗旱之餘。勤於政治。郡民列狀乞留。天禧二年卒。若拙多誕妄。寡學術。當

時以第二人及第者為榜眼。若拙素無文。故目為瞎榜云。子映。

焦繼勳。字成績。許州長社人。少讀書。有大志。嘗游三晉間。為輕俠。晉祖鎮太原。繼勳以儒服謁見。晉祖與語。悅之。留帳下。天福初。授皇城兼宮苑使。遷武德使。安重榮反鎮州。安從進自襄陽舉兵為應。晉祖命繼勳督諸將進討。至唐州南。遇從進軍萬餘。設伏擊敗之。禽其牙將安洪義。鮑洪等。得山南東道印。從進單騎奔還。從進弟從貴。率兵千餘人。援均州刺史蔡行遇。繼勳獲從貴。斷

腕放入城中。從進自此不能復振。繼勳以功。就拜齊州防禦使。少帝即位。徙襄陽防禦使。歲餘。入為右千牛衛大將軍。拜宣徽北院使。遷南院使。西人寇邊。拜秦州觀察使。兼諸蕃水陸轉運使。既至。推恩信。設方略。招誘諸郡酋長。相率乞盟。邊境以安。俄徙知陝州。就遷保義軍兵馬留後。漢初。鳳翔軍校陽彥昭據城叛。命繼勳率師討之。以功。授保大軍節度使。召入。會漢祖幸大名。留為京城右廂巡檢使。俄改右羽林統軍。隱帝末。命繼勳領兵北征。及周祖舉兵向闕。繼勳奉隱帝逆戰於留子陂。

案五代史。不利。遂歸周祖。廣順初。改右龍武統軍。世宗作劉子陂。

征淮南。為左廂排陣使。又改右羽林統軍將軍。左屯衛上將軍。以戰功。拜彰武軍節度使。太祖即位。召為右金吾衛上將軍。改右武衛上將軍。向拱為西京留守。多飲燕。不省府事。羣盜白日入都市劫財。拱被酒。不出捕逐。太祖選繼勳代之。月餘。京城肅然。太祖幸洛。還以為彰德軍節度使。仍知留府事。太平興國三年。卒。贈太尉。繼勳涉獵史傳。頗達治道。所至有善政。然性吝嗇。多省公府用度。時論少之。子守節。案宋史。此下有焦守節。劉重進。兩傳。無顯蹟足錄。今刪。

按劉仁贍降今依本紀改作克壽州謹加案聲明

袁彦河東人。少以趨勇應募。漢乾祐中。隸周祖麾下。及鎮鄴。以為部直小將。周顯德初。授內外步軍都軍頭。領泉州刺史。未幾。改岳州防禦使。從征壽州。為城北造竹龍都部署。竹龍者。以竹數十萬竿。圍而相屬。上設版屋。載甲士數百人。以攻其城。又命於渦口修橋。橋成。世宗幸焉。因立為鎮淮軍。太祖下滁陽。禽皇甫暉。姚鳳。彦皆有勞績。又令率師屯下蔡。以逼壽春。及克壽州。案宋史。作劉仁贍降。考五代史。仁贍列於死節傳。蓋仁贍鎮壽州。死守不下。副使孫羽詐為仁贍書。以城降。仁贍即於是日卒。實不降也。謹據周世宗本紀。書克壽州。附識。從世宗攻濠泗。又禽南唐

按祁廷訓張鐸李萬全及田景咸王暉合傳俱無事蹟足錄今刪謹加案聲明

將許文績邊鎬等以獻。授步軍都指揮使。領彰信軍節度使。六年。浚五丈河。命彦董其役。太祖即位。加檢校太尉。開寶二年。鎮鄜州。五年。罷鎮歸闕。卒。案宋史。此下有萬全。三人傳。及田景咸。王暉。合傳。俱無事蹟。可錄。今刪。祁廷訓。張鐸。李

李穀字惟珍。潁州汝陰人。身長八尺。少勇力。善射。以任俠為事。頗為鄉人所困。發憤從學。所覽如宿習。年二十七。舉進士。連辟華秦二州從事。晉天福中。擢監察御史。少帝即位。拜職方郎中。俄充度支判官。轉吏部郎中。罷職。天福九年。少帝征契丹。詔許扈從。充樞密直學士。加

給事中。為馮玉、李彥韜所排。會帝再幸河北，改三司副使。權判留司三司事。開運二年，出為磁州刺史。北面水陸轉運使契丹入汴，少帝蒙塵，舊臣無敢候謁者。穀獨拜迎於路，泣曰：「臣無狀，負陛下。」因傾囊以獻。會契丹主發使至州，穀禽斬之，密送款於漢祖。潛遣河朔酋豪梁暉入據安陽。契丹主患之，即議北旋。會有告契丹以城中虛弱者，契丹還攻安陽，陷其城。穀自郡候契丹，遂見獲。契丹主謂曰：「爾何背我歸太原？」穀曰：「無之。」契丹主因引手車中，似取所獲文字，而穀知其詐，因請曰：「如實有。」

此事乞顯示之。契丹國制，人未伏者，不即寘死。自後凡詰穀六次，穀詞不屈。契丹主病且曰：「我南行時，爾謂我必不得北還，何術知之？」今我疾甚，能救則致爾富貴。穀曰：「實無術，為人所陷耳。」穀氣色不撓，卒寬之。俄而德光道殂，永康繼立，署穀給事中。時契丹將滿達舊作麻谷，今改正。

守真定，而李崧、和凝與家屬皆在城中。會李筠、何福進率兵逐滿達，推護聖指揮使白再榮案通鑑作恩州團練白再榮權知留後。再榮利崧等家財，令甲士圍其居。既得賂，復欲殺崧等滅口。穀遽見再榮，謂之曰：「今國亡主辱，公輩握

勁兵不能死節。一朝殺宰相。即日中原有主。責公專殺。將何辭以對。再榮懼崧等獲免。漢初入拜左散騎常侍。俄權判開封府。時京畿多盜。中年尤甚。穀誘邑人發其巢穴。有劉德輿者。梁時屢攝畿佐。居中年。素有幹材。穀即署攝本邑主簿。請侍衛兵數千佐德輿。悉禽賊黨。其魁一即縣佐史。一御史臺吏。搜其家得金玉財貨甚衆。自是行者無患。俄遷工部侍郎。周祖西征。為西南面行營水陸轉運使。關右平。改陳州刺史。周祖兵入汴。命權判三司。廣順初。加戶部侍郎。拜中書侍郎平章事。仍判

三司。初。漢乾祐中。穀掌轉運時。周祖已有人望。屬漢政紊亂。屢以諷穀。穀但對以人臣當盡節。奉上而已。故開國之初。倚以為相。先是禁牛羊法甚峻。犯者抵死。穀乃校每歲用革之數。凡田十頃。歲出一革。餘聽民私用。又奏罷屯田務。以民隸州縣課役。盡除宿弊。顯德初。加右僕射。集賢殿大學士。世宗征太原。命穀先調兵食。又代符彥卿判太原行府事。師還。進位司空。門下侍郎。監修國史。是歲。河大決。齊鄆發十數州丁壯塞之。命穀領護。刻期就功。二年。議伐南唐。以穀為淮南道行營前軍都

部署兼知廬壽等州行府事。歸闕得風痺疾。累表請致仕。不允。四年。吳人壁紫金山。築甬道以援壽春。時議師老無功。請罷兵為便。世宗令范質王溥就穀謀之。穀手疏請親征。世宗大悅。用其策。及淮南平。出穀疏。令翰林學士承旨陶穀為贊以賜之。是夏。世宗還。穀扶疾見便殿。詔令不拜。坐御坐側。穀請辭相位。世宗怡然曰。譬如家有四子。一人有疾。棄而不養。非父之道也。君臣之間。分義斯在。奈何以祿奉為言。穀愧謝而退。是秋。穀抗表乞骸骨。罷相。守司空。令每月肩輿一詣便殿。訪以政事。

恭帝即位。加開府儀同三司。進封趙國公。求歸洛。從其請。太祖即位。遣使就賜器幣。建隆元年。卒。贈侍中。穀為人厚重剛毅。深沈有城府。善議政事。能近取譬。辭理明暢。人主為之聳聽。人有難必救。有恩必報。好汲引寒士。多至顯位。李昉嘗為穀記室。穀曰。子他日官祿當如我。昉後至宰相。司空。周顯德中。樞密使王朴薦扈載知制誥。除書未下。朴詣中書言之。穀曰。斯人命薄。慮不克享耳。朴曰。公在衡石之地。當以材進人。何得言命而遺才。載遂知制誥。遷翰林學士。未幾卒。世謂朴能薦士。穀能知

按李筠叛今改作起兵謹加案聲明

人穀歸洛中。昭義李筠以穀周朝名相遺錢五十萬。他物稱是。穀受之。既而筠起兵。案宋史作李筠叛。李筠周臣。其起兵不當書叛。今改正。謹穀憂恚而終。子吉拱。

谷居潤。案東都事略云。字廣川。博州高唐人。善書計。後唐長興中。

隸樞密院為小吏。以謹愿稱。晉初補牙職。會景延廣留

守西洛。署為右職。周世宗即位。擢為軍器庫使。從征高

平。以功遷客省使。知青州。秦鳳平。命居潤知秦州。歷鳳

翔河中。案鳳翔。宋史作鳳陽。查輿地考。宋時但有鳳翔。無疑。謹據王偁。東都事略改正。入知開封府。累遷左領軍衛上將軍。太

祖立。加檢校太尉。及征澤潞。命赴澶州巡警。師還。權知

按宋時無鳳陽地名。今據東都事畧改正。謹加案聲明。

按義武軍名與東都事畧異。謹加案聲明。

鎮州。加左領軍衛上將軍。建隆二年。拜義武軍節度使。

案東都事略作義成軍。乾德四年卒。贈太師。居潤性明敏。有節槩。

篤於行義。初。晉室將亡。景延廣委其族。自洛赴難。至則

為遼人所執。遼人在洛者。欲恣標掠。延廣僚吏部曲悉

遁。獨居潤保護其家。嘗薦沈倫於太祖。以為純謹可用。

後至宰相。世稱其知人。子惟質。案宋史。比下有竇貞固。

宋未久。不仕而卒。李濤已改入貳臣。其附後之李濤。李仲容。二人。無蹟可錄。今併刪。

按竇貞固無蹟可錄。李濤已改入貳臣。其附後之李濤。李仲容亦無足錄。今從刪。謹加案聲明。

Table with 10 columns and 10 rows of faint text.

Large stylized watermark characters, likely '圖書' (Library).

